



KOMUNIKADO PA PRENSA

Fecha

12 aprel 2013

Account Manager

Jhanirha Anita

Email

jhanirha.anita@gmail.com

Nr.

MINISTER EARL BALBORDA A HASI **APERTURA DI REGIONAL ASSOCIATION IV DI ORGANISASHON MUNDIAL DI METEOROLOGIA**

Willemstad - Awe mèrdia a tuma lugá apertura ofisial di e di 16 seshon di e Regional Association IV di Organisashon Mundial di Meteorologia (OMM) na Renaissance Curacao Resort and Casino. Tabata na Minister Balborda e enkargo pa habri e Sesion di Asosashon Regional ofisialmente.

OMM ta un organisashon spesialisá di Nashonnan Uni ku ta esun outorisá pa, na nòmber di Nashonnan Uni, atendé ku asuntunan di kondishon i komportashon di e atmósfera di mundu, aktividatnan oseániko, e klima di mundu i diferente aspekto mas.

OMM tin diferente miembro i OMM ta repartí e miembronan aki a base di 6 region. E regionnan aki ta konosí na OMM komo Regional Associations (RA). Kòrsou, huntu ku St. Maarten, ta forma parti di e Regional Association IV (RA-IV). RA-IV ta e paisnan di Nort Amérika, Sentral Amérika, i Karibe. Banda di delegadonan di e paisnan di e region ya mensioná, tin tambe representantenan di otro regionnan manera entre otro China, Finlandia, Polonia, Union Britániko, Spaña i Fransia.

Kada Asosashon Regional (RA) ta responsabel pa implementashon i kordinashon e maneho internashonal di aktividatnan meteorológiko, hidrologiko i otro aktividatnan relashoná ku esakinan den nan region. E paisnan di e RA ta bini huntu den nan mes region kada 4 aña pa diskutí diferente desaroyonan riba tereno di meteorologia i ta skohe un presidente i un visepresidente.

Ta promé biaha den historia ku e seshon di Regional Association IV ta reuní na Kòrsou. Pues esaki sigur ta algu grandi pa nos Pais. Na apertura di e seshon aki Sekretario General di WMO Sr. Michel Jarraud, Presidente di RA-IV Sr. Arthur Rolle, Minister di Tráfiko, Transporte i Planifikashon Urbano Sr. Earl Balborda, i Sr. Albert Martis komo Direktor di Servisio Meteorológiko Kòrsou i Representante Permanente di Kòrsou i St. Maarten a hiba palabra.

Durante di e seshon aki, OMM a yama bon bini tambe na un miembro nobo, esta Hulanda. E seshon aki ta sigui durante henter e siman ku ta bini i ta terminá dia 19 di aprel 2013.

Servisio Meteorológiko di Kòrsou ta forma parti di Ministerio di Tráfiko, Transporte i Planifikashon Urbano i ta kai bou di responsabilidat di Minister Earl Balborda. Pueblo di



KOMUNIKADO PA PRENSA

Fecha

12 aprel 2013

Account Manager

Jhanirha Anita

Email

jhanirha.anita@gmail.com

Nr.

Kòrsou por sigui tur e último desaroyonan di Minister Alborda di Tráfiko, Transporte i Planifikashon Urbano via di su página di facebook 'Earl W. Alborda, Minister VVRP'.